

Per trutgs e pitgognas dals 09-09-2011

Proposta da Andrea Matossi

Val Trupchun – Nua che il tschierv bergla

Durada:	ca. 4 ½ uras
Differenza d'atezza ensi:	ca. 350 meters
Differenza d'atezza engiu:	ca. 350 meters
Lunghezza:	14 km
Pussaivladad da retratgas:	Chamanna dal Parc Varusch

Ruta:

Per tgi che è interessà d'observar animals selvadis è la Val Trupchun in stuair. La val sa chatta al vest da l'ur dal parc naziunal. Tgi che viagescha cun l' auto, suonda il mussavia "Parc Naziunal" e charrescha fin il **parcadi Prasùra** (1700m). Là san ins parcar l'auto. I dat en princip duas vias en la val, la via sut ch'è emprim in stradun, ni la via sura da la Val Trupchun sin la vart sanestra da la val. Pia prendain nus la via da la val, suenter paucas minutas traversain nus in dutg. Suenter ca. 20 minutas main nus sut la tegia **Chamanna dal Parc Varusch** (1771 m) sperasvi. Fin qua pon singuls autos giustifitgads charrar, lura vai mo pli a pe vinavant, pertge suenter paucas minutas traversain nus ils cunfins dal parc naziunal. Qua explitgescha ina tabla il cumportament en il parc. Cuntuond maina nus la senda vinavant da la val si. Nus traversain il dutg ed arrivain a l'**Alp Purcher** (1858 m). Nossa senda da viandar gudogna cun in zickzack, en il gaud da schembers "Dschembrina", spert vid autezza e cuntanscha prest l'alp Trupchun (2040m). Davos l'alp sa avra in fop, che vegn stgaffids dal Piz Chaschauna, Piz Trupchun e dal Piz Saliente. Là davos sa chatta Livigno. Sin las spundas san'ins uss observar chamutschs, tschiervs e capricorns sco els pasculeschan ni guardar tge che las muntanellas traffitgeschan. Fitg impressiunond è la spassegiada igl atun en il temps da chalur dal tschiervs, cura ch'ins auda dapertut sco els berglan. Ca. mez settember è il temps per quai. Ins duess prender cun ins il perspectiv, uschia san'ins directamain mirar als tschiervs en ils egls.

Per la via da return prend'ins suenter circa 10 minutas la senda da viandar da vart sanestra, traversa bain spert in dutg e viagescha sin ina via auta cun ina survista sur la val cun lur lareschs dal gaud da schembers. Il berglar dal tschiervs accumpogn'ins fin cura ch'ins banduna il parc naziunal ed arriva puspè sin il parcadi d'autos.